

Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.) ("Službene novine Kantona Sarajevo", broj: 19/19).

Član 2.

- a) Finansijska sredstva iz člana 1. ove Odluke su, na osnovu Odluke o raspoređivanju finansijskih sredstava iz dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.) ("Službene novine Kantona Sarajevo", broj 19/19), prenesena Gradu Sarajevo za:
- Sufinansiranje projekta "Atelje - muzej Safet Zec" - Općina Centar Sarajevo, u iznosu od 240.000,00 KM i nalaze se na budžetskoj poziciji 391200.
- b) Navedena sredstva nisu iskorištena za sufinansiranje projekta "Atelje - muzej Safet Zec" - Općina Centar Sarajevo, jer projekt nije realizovan.

Član 3.

Poslovanje JP "Sarajevo" d.o.o., u 2020. godini je, zbog pandemije Corona virusa COVID-19, dovedeno u pitanje, pa je neophodno da se sredstva prethodno planirana za Sufinansiranje projekta "Atelje - muzej Safet Zec" - Općina Centar Sarajevo, u iznosu od 240.000,00 KM, preraspodjele JP "Sarajevo" d.o.o., za pokrivanje troškova iz redovnog poslovanja.

Član 4.

Grad Sarajevo će sredstva iz člana 2. ove Odluke vratiti Javnom preduzeću za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.), odmah po stupnju na snagu ove Odluke.

Član 5.

Za realizaciju ove Odluke zadužuje se Gradska služba finansija.

Član 6.

Ova Odluka stupa na snagu narednog dana od dana objave, a objavit će se u "Službenim novinama Kantona Sarajevo".

Broj 01-GV-02-1128/20
30. novembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 43. sjednici održanoj dana 30.11.2020. godine, donijelo je

ODLUKU O UTVRĐIVANJU POSEBNOG ZNAČAJA ZA GRAD SARAJEVO ZA UDRUŽENJE "ASOCIJACIJA NEZAVISNIH INTELKTUALACA - KRUG 99"

Član 1.

Ovom Odlukom utvrđuje se da je Udruženje "Asocijacija nezavisnih intelektualaca - Krug 99" (u daljem tekstu: "Krug 99") od posebnog značaja za Grad Sarajevo, kao organizacija koja svojim djelovanjem doprinosi afirmaciji Grada Sarajeva, kao otvorene, slobodne i multietničke sredine i posebno kao sjedišta intelektualne i kritičke misli u Bosni i Hercegovini.

Član 2.

Djelatnosti "Krug 99" Grad Sarajevo će sufinansirati iz sredstava Budžeta Grada Sarajeva sa pozicije: Primjena Odluke o utvrđivanju posebnog značaja za Grad Sarajevo za Udruženje "Asocijacija nezavisnih intelektualaca - Krug 99".

Član 3.

Sufinansiranje, iz člana 2. Odluke, vršit će se na osnovu evaluacije dokumentacije zahtjeva za sufinansiranje, koju "Krug 99" dostavlja gradonačelniku/ci Grada Sarajeva, najkasnije do 30 septembra tekuće godine, radi utvrđivanja prijedloga iznosa namjenskih sredstava za narednu budžetsku godinu.

Dokumentacija iz stava 1. ovog člana podrazumijeva procjene i pokazatelje kako slijedi:

1. prijedlog godišnjeg plana rada-programa, uključujući plan troškova;
2. uticaj ponuđenih programa na razvoj intelektualne misli, multikulturalni i multietnički karakter Grada i promociju Grada Sarajeva u zemlji i svijetu;
3. uticaj ponuđenih programa na razvoj ideje slobodnog i otvorenog civilnog društva jednakopravnih građana-pojedinaca u Bosni i Hercegovini, kao i unaprjeđivanje mira i organizovanje Bosne i Hercegovine kao demokratske pravne države;
4. finansijski izvještaj o utrošku sredstva odobrenih u prethodnoj godini.

Član 4.

Nadzor nad provedbom Odluke vrši gradonačelnik/ca Grada Sarajeva putem nadležne Službe i o provođenju iste, jednom godišnje informiše Gradsko vijeće Grada Sarajeva.

Član 5.

Izmjene i dopune Odluke, vrše se na način i po postupku za njeno donošenje.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1115/20
30. novembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 6. Odluke o dodjeli u zakup poslovnih zgrada i prostorija Grada Sarajeva ("Službene novine Kantona Sarajevo", broj 30/15), a u vezi sa Odlukom o pokretanju postupka dodjele u zakup poslovnih zgrada i prostorija Grada Sarajeva ("Službene novine Kantona Sarajevo", broj 41/20), na prijedlog Administrativne komisije, Gradsko vijeće Grada Sarajeva, na 43. sjednici održanoj dana 30.11.2020. godine, donijelo je

ODLUKU O IMENOVANJU KOMISIJE ZA DODJELU U ZAKUP POSLOVNIH PROSTORIJA I GARAŽA GRADA SARAJEVA

Član 1.

Ovom Odlukom imenuje se Komisija za dodjelu u zakup poslovnih prostorija i garaža koje su u vlasništvu Grada Sarajeva, u sastavu:

1. Erva Tahirović, predsjednica
2. Amer Čaušević, zamjenik predsjednice
3. Semir Mušinić, član
4. Nerim Šišić, član
5. Dubravka Muminović-Klašnja, članica

Član 2.

Komisija za dodjelu u zakup poslovnih prostorija i garaža Grada Sarajeva vrši poslove uvrđene Odlukom o dodjeli u zakup poslovnih zgrada i prostorija Grada Sarajeva.